

Quatre ans plus tard, au moment où tout allait être réparé, survint une nouvelle catastrophe. Pendant l'hiver de 1414, une crue subite et occasionnée par la fonte

---

reparacio et in eadem omnes contribuere teneantur et debeant de jure et de bona equitate. Quiquidem exponentes, pro tunc non habentes aliquas pecunias vel aliquod in communi pro dictis missionibus et sumptibus fiendis et supportandis preter quoddam subsidium, videlicet decimum vini, quod in dicta villa annuatim vendebatur, et certos componos bladorum, de quibus decimis et componibus dicti consules et habitantes habere et percipere debebant tres partes pro omnibus communibus dicte ville supportandis, et alia quarta pars debebat poni et converti in reparacionibus edificiorum et aliis oneribus respicientibus tuicionem et custodiam dicte ville, et de ipsa quarta parte tenentur dicti consules et habitantes reddere computum, ut in quodam accordero inter ipsos, clerum et consules super hoc facto et per nostram parlamenti curiam confirmato continetur, de pecuniis ex ipsa quarta parte decimi compon(or)um durantibus dictis viginti annis provenientibus, in edificiis, reparationibus et aliis oneribus respicientibus tuitionem et custodiam dicte ville, quinque milia ducenas et quinquaginta libras turonens. vel circa, et residuum pecuniarum sive valoris dicte quarte partis decimi et componorum ascendens ad summam novies centum et quinquaginta librarum turonens. vel circa, factis prius et completis reparationibus dicte ville magis necessariis, durantibus dictis xx annis, videntes et considerantes utilius succurrendum fore tam urgenti necessitati reparationis dicti pontis, qui est de clausuris necessariis et facit clausuram, fortificationem et custodiam dicte ville, sicut et muri quam aliis clausuris et reparationibus murorum, que nulla saltem tam necessaria et utili, prout dictus pons indigebant reparatione, nec propter hoc dicte ville clausure aliquod habuerunt detrimentum seu ruynam, quam etiam facere alias clausuras novas, et in reconstructionibus et reparationibus dicti pontis et aliis missionibus superius declaratis, exposuerunt et implicaverunt; verumtamen iidem consules formidantes quod in redditionem computorum dictarum pecuniarum sibi fieret difficultas allocare in dictis computis predictas novies centum quinquaginta libras turon. per eos expositas et distributas in reparationibus pontis prelibati, et per hoc